

UGOVOR broj 19/19

o poslovnoj saradnji i korištenju ugostiteljsko-turističkih kapaciteta

Zaključen između ugovornih strana:

- Sportsko - rekreativnog centra Ajdinovići - S.R.C.A doo**, Ajdinovići b.b., 71 340 Olovo, ID: 4201623500004, kojeg zastupa direktor Nihad Helać (u daljem tekstu: Davalac usluga)
- Sindikata policije Kantona Sarajevo**, ulica La Benevolencije broj 16, općina Centar Sarajevo, ID:4200318910000, kojeg zastupa Sadik Ećo, predsjednik Upravnog odbora Sindikata policije Kantona Sarajevo, (u daljem tekstu: Korisnik usluga)

I - PREDMET UGOVORA

Član 1.

Predmet ovog Ugovora je uređivanje međusobnih odnosa ugovornih strana povodom poslovne saradnje i korištenju ugostiteljsko-turističkih kapaciteta, tačnije organizacije višednevnog boravka svim članovima Korisnika usluge u Sportsko-rekreativnom centru Ajdinovići.

Član 2.

Davalac usluga se obavezuje da će korisniku usluga za njegove članove omogućiti korištenje usluga sportsko-rekreativnog centra Ajdinovići na bazi „all inclusive“ aranžmana. **Višednevni boravci** će se organizovati pojedinačno ili grupno, sa trajanjem boravka može biti minimalno 3 (tri) dana, odnosno 2 (dvije) noći. **Stvarni korisnik usluge je član Korisnika usluge**, te stvarni korisnik može ovo pravo iskoristiti za članove svoje uže porodice.

II – NAČIN SARADNJE

Član 3.

Stvarni Korisnik usluge će blagovremeno poslati rezervaciju davaocu usluga kako bi se usaglasili slobodni kapaciteti davaoca usluga. Stvarni Korisnik usluge će predočiti člansku kartu kojom dokazuje da je član Sindikata. Korisnik usluge sam obezbjeđuje prevoz za svoje članove.

Davalac usluga je dužan da korisniku obezbjedi uslugu „all inclusive“ shodno redovnom meniju restorana i aktuelnom (sezonskom) sadržaju Centra. Gosti će se prijavljivati na recepciji hotela SRCA, a prema prethodno dostavljenom spisku od strane Korisnika usluge. Usluga koju će Davalac pružiti uključuje:

- Smjestaj u hotelskoj sobi ili bungalovu ili planinskoj kući (po želji gosta)
- Doručak 08:00 – 10:30 h
- Ručak 13:00 – 15:30 h
- Večera 19:00 – 20:30 h
- Neograničena konzumacija pića
- Korištenje sportskih terena
- Korištenja bazena (veliki i mali, za djecu i odrasle, otvoreni)
- Korištenje SPA centra (bazen, jacuzzi, saune finska i parna, slana soba, tople klupe, hladna soba, ležaljke....uz obavezno poštivanje kućnog reda SPA centra)
- Korištenje sadržaja salona za zabavu (bilijar, pikado, stolni nogomet, stolni tenis, društvene igre)
- Jahanje konja za djecu do 15 godine
- Korištenje dječije igraonice (otvorene i zatvorene)
- Korištenje fitness centra
- Korištenje ski lifta i ski opreme za djecu do 15 god.

Stvarni Korisnik usluge treba da potvrdi rezervaciju 15 dana prije dolaska. Otkazivanje rezervacije bez naplate je moguće ali u roku dužem od 10 dana prije planiranog dolaska. Ako se rezervacija otkaže u roku 1 do 10 dana, Stvarni Korisnik je dužan da plati iznos 50 % od planiranog iznosa da je iskoristio uslugu, a ako se na dan planiranog dolaska ne pojavi (bez prethodne obavijesti) Stvarni Korisnik je dužan da plati 100 % planirani iznos korištenja pune usluge.

III – CIJENA USLUGE I NAČIN PLAĆANJA

Član 4.

Davalac usluga će korisniku usluga dostaviti redovni cjenovnik svih usluga, te blagovremeno obavijestiti korisnika u slučaju izmjena cijena određenih usluga. Cijena boravka će se obračunavati prema broju gostiju, starosnoj dobi i politici formiranja cijena shodno tome. Aktuelne cijene će Davalac usluge dostaviti putem e-maila info@srca.ba ili prodaja@srca.ba, na upit Korisnika usluge.

Davalac usluge će izdati fakturu na dan odlaska stvarnog korisnika usluge / gosta (grupe) shodno stvarnom broju gostiju koji su iskoristili usluge S.R.C.A. Faktura će se izdati na Stvarnog Korisnika usluge, i u opisu fakture će biti navedeno ime člana Sindikata koji je stvarni korisnik.

Pogodnosti koje Davalac usluge nudi Korisniku su:

- Stvarni Korisnik usluge **ostvaruje pravo na popust 30 % na redovne cijene usluga višednevnog boravka** u S.R.C.A doo za sebe i članove svoje uže porodice
- Stvarni Korisnik usluge može plaćanje izvršiti na 3 načina:
 - o **Plaćanjem na 4 ili 6 jednakih mjesečnih rata**, putem administrativne zabrane na platu stvarnog Korisnika usluge (otplata bez kamata, samo iznos stvarne cijene korištene usluge)
 - o Plaćanjem ukupnog iznosa jednom uplatom u roku do 30 dana od iskorištene usluge i izdate fakture,
 - o Plaćanje ukupnog iznosa u gotovini na recepciji Centra.

Račun Davaoca usluge, **S.R.C.A doo, račun PROCREDIT banke: 1941024798200107**

Plaćanje, u slučaju plaćanja na rate, će se vršiti preko administrativne zabrane na plaću Stvarnog Korisnika usluge, a koja treba da se dostavi na recepciju pri samom dolasku gosta.

Stvarni Korisnik usluge se obavezuje da će u slučaju eventualne materijalne štete na imovini S.R.C.A doo prouzrokovane od strane Stvarnog Korisnika usluge tokom boravka, ista biti nadoknađena na licu mjesta.

IV - PRELAZNE ODREDBE

Član 5.


Ugovorene strane su saglasne da će se eventualni sporovi nastali u realizaciji ovog Ugovora rješavati mirnim putem – dogovorom, a ako to ne bude moguće nadležan je općinski sud u Olovu.

Član 6.


Ovaj Ugovor stupa na snagu danom potpisivanja obje ugovorne strane. Rok važenja ugovora je 12 mjeseci, nakon toga je moguće produžiti isti aneksom na ovaj Ugovor. Raskid ugovora je moguć na zahtjev jedne ili druge ugovorne strane sa otkaznim rokom od 30 dana.

Član 7.

Ovaj Ugovor je sačinjen u 2 (dva) istovjetna primjerka, za svaka ugovorna strana zadržava po 1 (jedan) primjerak



Datum, mjesto: 14.11.19, Olovo
Br. 14-11-19-19



Datum, mjesto: 15.11.2019
Br. 524/19